



Matvra Principis Gloria Ante Aetatis Matvritatem

Matura Principis gloria ante aetatis maturitatem

Gothae


Vockerodt, Gottfried


P 4° 00420 (69)

https://dhb.thulb.uni-jena.de/receive/ufb_cbu_00000605

urn:nbn:de:urmel-0428b925-1857-4e91-86ad-d075b7f968530-00000970-15

Lizenz: <https://creativecommons.org/licenses/by-sa/4.0/>





urn:nbn:de:urmel-0428b925-1857-4e91-86ad-d075b7f968530-00000970-15

MATVRA
PRINCIPIS
GLORIA
ANTE
AETATIS MATVRITATEM

1724 Mai

Spectata Romae
 C1010CCXXIV. die Martii XXII.
 cum, qui C1010CCVI. MAII XXVII. natus fuit Meinungae,
 SERENISSIMI PRINCIPIS,
 AC DOMINI,
ERNESTI LVDOVICI,
 DVCIS SAXONIAE, IVLIAE, CLIVIAE, MONTIVM,
 ANGRIAE, ET WESTPHALIAE,
 LANDGRAVII THVRINGIAE, MARCHIONIS MISNIAE,
 PRINCIPIS COMITIS HENNEBERGIAE,
 COMITIS MARCAE, ET RAVENSBERGAE,
 DYNASTAE IN RAVENSTEIN,
 et
 SERENISSIMAE
DOROTHEAE MARIAE,
 DVCIS SAXONICAE,
 C1010CCXIII
 ad beatam immortalitatem euocatae,
 filius natu maximus,
IOSEPHVS BERNHARDVS,
 BERNHARDI nepos, ERNESTI PH
 pronepos,
 excessit e viuis,
 in theatro amplissimo, capite vrbium, vt olim orbis:
 sub oculis procerum
 tantae dignitatis hospitem suspicientium,
 aestimantiumque interiora iuuenis ornamenta,
 bonae mentis cultum singularem,
 doctrinae apparatus copiosorem,
 quam in illam aetatem, et fortunam cadere posse videbatur,
 iuuenem tam fortunae suae conscium,
 quam iuuenilis cupidinis compotem,
 moris habitum decoris principalis, et ciuilis comitatus
 temperamento conditum, et amandum aequae, ac reuerendum:
 sub voculis populi conuersi
 ad Transalpini PRINCIPIS elegantiam externam,
 et admirantis iuuenis senilem constantiam
 in damnandis, fugiendisque illecebris,
 custoditamque in congressibus dignitatem
 cum populari hilaritate, et humanitate coniunctam.

Piguit

Pignit tantae virtutis indolem,
 cum Romae viuere PRINCIPI IUVENI contingeret,
 ad viuendum more Romano induci non potuisse.
 Doluere tantae autoritatis viri,
 PRINCIPEM hospitem tantillae aetatis
 feruandi ritus, morisque patrii pertinaciae immori,
 et decedere sine vlla significatione,
 placuisse sibi commendatum diligentissime
 Romanum ritum, morem, cultum.
 Ad hanc gloriosam pietatis, et virtutis constantiam
 emergere potuisse iuuenem PRINCIPEM
 inter tot obstantes difficultates, & impedimenta,
 solennia iuuenili aetati, magnae fortunae,
 et, quam seculum appellamus, publici moris consuetudini,
 desinent mirari,
 quibus patefacta fuerit

SERENISSIMORVM PARENTVM

religiosa, et curatissima providentia
 in prima hac sobole PRINCIPALI,
 desideratissimo CELSISSIMAE FAMILIAE pignore
 magnae indolis, et spei maximae,
 rite custodienda, a corruptelis arcenda,
 prouehendaque ad ingenii, et moris cultum
 tam ipsi salutarem,
 quam fortunae, et dignitati conuenientem,
 cuius primo loco natus PRINCEPS haeres erat futurus.
 Tempestiue adfuit honoris causa nominandus
 nobilissimus, atque excellentissimus
FRIDERICVS ERNESTVS SCHENCKIUS
 in primis PRINCIPIS tirociniis constituendis,
 et designandis curriculum, emetiendis PRINCIPI iuuentutis
 ad assequendam mature bonae, sanctaeque mentis culturam,
 capeffendumque animum, et fiduciam
 fortunae suae tuendae, ornandae, et amplificandae:
 interfuitque consiliis de PRINCIPIS haeredis itineribus ordinandis.
 Nec defuit SERENISSIMI PARENTIS gratia liberalis
 in remunerando hoc commodo administro,
 et prouehendo ad honoratum ministerii gradum
 pro praestita tantae spei PRINCIPI fide magistra,
 et consecuto magisterii successu:
 quo nobilitata est, et decantata apud exteros,
 quoscunque salutauit PRINCEPS iuuentutis, institutus
 SCHENCKIANA industria ad omne virtutis, et laudis decus,
 SERENISSIMAE SAXONICAE DOMVS
 MEINVNGENSIS
 disciplina.

Illustri

Illustria specimina, & documenta
 virtutis maturae ante aetatis maturitatem:
 quibus delectati sunt SERENISSIMI PARENTES,
 recreati, et ad summas spes erecti boni ciues,
 exteri perfusi admiratione gloriae,
 maturescentis ante plenum
 aetatis florem:
 tabula haec non capit;
 persecuturus autem est pii officii causa
ILLVSTRIS GYMNASII GOTHANI
 alumnus CLASSIS SELECTAE veteranus,
 iuuenis ingenio, et humanioris litteraturae tirocinijs
 satis spectatus,
MARTINVS PILGER,
 in vico, Waldorfio, natus, & Wafungae educatus:
 qui sermone Latino VIII. MAI coram *ILLVSTRI* panegyri
 recitando
 demonstrabit, quis beatissimo PRINCIPI,
IOSEPHO BERNHARDO,
 ad maturam gloriam aditus fuerit, et emergendi gradus?
 ostendetque, iure a NOBILISSIMO *SCHENCKIO*
 monumento, cui III. MAI corpus BEATISSIMI alumni,
 Roma allatum, solenni cerimonia est illatum,
 inscripta esse quatuor haec elogia:
 faciei primae: **IOSEPHVS BERNHARDVS**
 BENE NATVS:
 alteri BENE EDVCATVS:
 tertiae BENE PEREGRINATVS:
 postremae BENE MORTVVS.
 Quem pium conatum vt gratia, et patientia audiendi non deferant
ILLVSTRIS GYMNASII
 PATRONI, FAVTORES, ET ALVMNI,
 qua par est, submissi animi obseruantia,
 et humanitate
 rogat, monetque
 RECTOR,
GOTHOFREDVS VOCKERODT.

PP. cIo lcccXXIV. DIE EXEQVIARVM MAI III.
GOTHAE, LITTERIS RETHERIANIS,